

(registarski broj)

Operativni radnik: JM179.

(datum evidentiranja)

Broj: M-1748
Datum: 09.10.1995.godine.

SLUŽBENA ZABILJEŠKA O INFORMATIVNOM RAZGOVORU

I
Izvor: Tabaković Šukrija, sin Huseina i Emine Tanković, rođen 02.08.1973. godine u Osmačama, opština Srebrenica, Musliman, državljanin R BiH, završio dva razreda srednje trgovačke škole, bio upisan u treći razred građevinske škole u Srebrenici, neoženjen, privremeno kao raseljeno lice smješten u Izbjegliškom naselju u špionici, opština Srebrenik.

Podaci se odnose na zarobljavanje Tabakovića i njegov boravak u logoru "Batković" kod Bijeljine.

Sastanak je održan dana 03.10.1995.godine u prostorijama Izbjegliškog naselja u špionici, u vremenu od 11 do 13,30 sati na našu inicijativu.

Troškova sastanka nije bilo.

Zabilješka se podnosi dana 05.10.1995.godine.

II

Razgovor je obavljen u cilju prikupljanja bezbjednosno interesantnih saznanja u vrijeme zarobljavanja Tabakovića i njegovog boravka u logoru.

III

Na početku razgovora izvor izjavljuje da je 1993.godine iz Osmača, opština Srebrenica, zajedno sa roditeljima, pod uticajem ratnih dejstava, prešao u Srebrenicu, gdje je ostao sve do pada ovog grada. Njegov mlađi brat Nurija rođen 1979.god. i sestra Azemina rođ.1971.godine, na početku rata su izbjegli u Sloveniju, a odatle u Njemačku, gdje se i sada nalaze.

Tabaković je bio pripadnik 282.brigade u Srebrenici, čiji je komandant bio Dudić Ibro. Dana 09.07.1995.godine, braneci Srebrenicu, na borbenoj liniji u Ljubisavićima, ranjen je od gelera granate u nogu i stomak, odakle je odmah prebačen u bolnicu. Nakon pada Srebrenice i protjerivanja civilnog stanovništva na slobodnu teritoriju R BiH, Tabaković je šest dana zadržan u kampu UN-a u Potočarima, a odatle zajedno sa još šest ranjenika (Vilić Sadik, Jusić Kasim, Smajlović Idriz, Hasanović Aziz i izvjesni Kaljević) prebačen u bratunačku bolnicu.

Isto veče došli su snimatelji sa paljanske televizije i izvjesni Momir - komandant bratunačke brigade, kojom prilikom su ih ispitivali gdje su ranjeni, ko su im komandanti, gdje je Naser Orić i sl.

Tabaković dalje ističe, da su u ovoj bolnici samo prenoćili, a zatim 18.07.1995.god. prevezeni u logor "Batković", opština Bijeljina, gdje im se odmah obratio izvjesni potpukovnik - komandant logora, govoreći da su oni sada zarobljenici, te da će se s njima postupati u skladu sa Pravilima ženevske

00371755

konvencije o ratnim zarobljenicima. U logoru su zatekli 55 logoraša koji tu borave duži period, a ovaj broj se kasnije povećavao na oko 230 zarobljenika. Od četnika koji rade na obezbjeđenju logora, izvor poznaje izvjesnog vodnika Milića, star oko 45 godina, te Lujića, star oko 30 godina, i izvjesnog vodnika po nadimku "Sarajlija" od kojih je ovaj drugi maltretirao zarobljenike na razne načine, a jednog je dva puta udario palicom po leđima.

Kad je u pitanju odvođenje na prisilan rad, izvor ističe da on lično nije nigdje išao iz logora, niti je šta radio, ali su pojedini zarobljenici morali ići na njive, gdje su obavljali određene poljoprivredne poslove (vađenje krompiri sl.), dok su neki od njih išli i na kopanje rovova na majevičko i brčansko ratište.

U nastavku razgovora, izvor izjavljuje da je u logoru bilo i 9 pripadnika Abdićeve paravojske, od kojih on poznaje izvjesnog Fikreta, koji mu je prišao da su oni ranjeni u borbama protiv Petog korpusa, odakle su prebačeni na liječenje u Banja Luku. Nakon oporavka u ovom gradu, četnici su ih smjestili u logor "Batkovič" i ne znaju šta će dalje s njima biti, jer ih niko ne traži u razmjenu.

U ovoj grupi koja je razmijenjena 30.09.1995.god. u šatorovićima, opština Brčko, na slobodnu teritoriju su prešla 102 lica, uglavnom iz Srebrenice, a u logoru je ostalo još oko 130 vojno sposobnih muškaraca, od kojih izvor poznaje izvjesnog Husaina, star 27 god. iz Podševara, opština Srebrenica, Vahida, star 21 god. iz Noćojevića, opština Srebrenica, Harisa, star 30 god. iz Podševara, Daliju, 21 god. iz Dimića, opština Srebrenica, Smajla, 19 godina iz Skele, opština Srebrenica, te Dudić Abaza, 35 godina, takode iz Skele, Redžić Muhameda, 21 godina, iz Kamenice, Mujanović Esmir, 20 godina, iz Sućeske, opština Srebrenica, Avdić Hakija, 48 godina, Hasan 38 godina, Nezir, 50 godina i Kemo, 28 godina, svi iz Osmaća, opština Srebrenica.

IV

Smatramo da je izvor prilikom razgovora bio dosta korektan, dobijena saznanja ćemo provjeriti i proširiti prilikom razgovora sa drugim licima koja su zajedno sa njim došla iz logora, a nalaze se na našem području.

V

Primjedbe, ocjene i odluke nadležnih starješina.

Dostavljeno:

1 x GA Sektora SDB Tuzla

1 x ~~Dotičan SDB Brčko~~

12

Odjeljenje 02

00371756